

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dan. Stalii Regulae Philosophicae explicatae & Orationes aliquot

Stahl, Daniel

Jenae, 1662

Regula III. Materia est ingenerabilis & incorruptibilis

urn:nbn:de:bsz:31-102400

REGULA III.

Materia est ingenerabilis & incorruptibilis.

I. Hanc proprietatem tribuit materię Philosophus *I. Phys. t. 82.* his verbis: *Incorruptibilem*, inquit, *& ingenitam necesse est ipsam esse. Si enim fiat, subjici aliquid oportet primum, ex quò inexistente fiat: hoc autem est ipsius natura. Quare erit, antequam fiat.*

II. Solùm autem hoc pronunciatum verum est de materiâ primâ. Nam materiã secundam, quale est lignum respectu mensę, & res respectu statuz, generari posse & corrumpi, manifestum est.

III. De materiâ primâ ex adductis Philosophi verbis ita argumentamur:

Quicquid potest generari & corrumpi, ejus necesse est, dari aliquam materiã.

Sed materia prima non datur materiã.

E. non potest generari aut corrumpi.

Major patet, quia omnis generatio & corruptio pręsupponit materiã, & quicquid generatur, ex materiã generatur, quemadmodum & quicquid interit, in materiã vel subiectum quoddam interit, sicut demonstrat Philosophus *I. Phys.* Manifesta enim est minor, quia, si materia prima haberet materiã, non esset prima materia, nam materia

MM

ejus

ejus esset prior, cum omnis materia prior sit materiatio.

IV. Inquis: Aristotelem in allegato textu asserere, materiam partim interire, partim non interire. Resp. Materia consideratur dupliciter: 1. *Secundum se*, & ut importat potentiam ad formas & res ipsas naturales & sic non interit. 2. *Ratione adjuncta privationis*, quæ privatio quando adveniente forma perit & cessat, ideò & ipsa materia ratione hujus privationis quodammodo interire dicitur. Quæ responsio fundamentum habet in ipsò Philosophò *l. cit.*

V. Quamvis autem materia prima nec generetur nec corrumpatur, non tamen ideò non incepit esse: incepit enim & facta est per creationem, quandoquidem cum ipsis corporibus à DEO concreata est, & si DEUS voluerit omnia corpora naturalia in nihilum redigere, ipsa quoq; amplius non erit.

VI. Sed posset aliquis objicere: In corruptibile nobilior est corruptibili. Si ergo materia incorruptibilis est, erit nobilior ipsa corporibus naturalibus sublunariis, utpote quæ corruptioni sunt obnoxia.

VII. Resp. I. Majorem veram esse *ceteris paribus*: quando incorruptibile non exceditur in ceteris prædicatis à corruptibili, incorruptibile nobilior est corruptibili. At

no corpora
primam in
dicata maj
cum præte
dant. II.
bilis esse
secundum q
hoc modò
surdum. P
lius esse si
quid, in c
sicut homo
duratione
sic est ma
poribus na
est, si dicat
petnitate.

I. Præsu
appetitur
innatus, u
q. I. Selt. I
indita, qu
cognitione
est potent
gnitione
num vide

no corpora naturalia excedunt materiam primam in aliis prædicatis, h. e. habent prædicata majoris perfectionis, quam materia, cum præter materiam etiam formam includant. II. Pótest dici: Incorrúptibile nobilius esse corruptibili, non simpliciter, sed secundum quid, nempe incorruptibilitate; & hoc modò consequens non videtur esse absurdum. Pótest enim aliquid aliquò ignobilius esse simpliciter, ut tamen secundum quid, in certò nimirum tertio sit nobilius: sicut homo simpliciter nobilior est lapide, in duratione tamen lapis hominem excedit. Et sic etsi materia sit simpliciter ignobilior corporibus naturalibus, non tamen absurdum est, si dicamus, esse eam nobiliorem in perpetuitate.

REGULA IV.

Materia appetit formam.

I. Præsupponendum híc est, duplicem esse appetitum, *innatum & elicivum*. Appetitus *innatus*, ut habet Fonseca *I. Metaphys. cap. I. q. I. Sect. III.* est inclinatio ab autore naturæ indita, quâ unaquæque res absq; ullâ præviâ cognitione, in bonum propensa est. *Elicivus* est potentia, quâ aliquid præviâ aliquâ cognitione suâ fertur in bonum, aut quod bonum videtur esse. In hoc autem appetitu sunt

MM 2 duo;